

楞嚴經圓通疏

二

C40
4514
(23)



60

1

2

3

4

5

6

7

8

9

70

1

2

3

4

5

6

7

8

9

C 40-4514

了翁上座諸大藏及百家書置之武州紫雲山
我微笑塔院丘中永為學者不敢許出院內
當山二世鐵牛機謹誌



B 64853

東京大學圖書館藏

藏印

大佛頂如來密因修證了義諸菩薩萬行首楞嚴經

卷第二

師子林沙門惟則會解 天台山沙門傳燈圓通疏

示見性空無邊義二初請二初覺審密請

○爾時阿難及諸大衆聞佛示誨身心泰然念無始

來失却本心妄認緣塵分別影事今日開悟如失乳

兒忽遇慈母合掌禮佛願聞如來顯出身心真妄虛

60123456789**70**123456789**80**123456789

實現前生滅與不生滅二發明性。○時波斯匿王起立白佛我昔未承諸佛誨勅見迦旃延毘羅胝子咸言此身死後斷滅名爲涅槃我雖值佛今猶狐疑云何發揮證知此心不生滅地今此大衆諸有漏者咸皆願聞

溫陵曰前責以動爲身以動爲境則身心真妄未

辨虛實又責念念生滅遺失真性則生滅者亦未能辨故願顯出二義而因匿王發起者明不生滅性在纏皆具孤山曰外道有六師一富蘭那迦葉所說諸法皆不生不滅二末伽黎拘闍梨子說衆生雖有苦樂無有因緣自然而尔三刪闍多毘羅胝子說於衆生任運時熟得道如縷丸所投極則

停住。又言八萬劫滿。自然得道。四阿耆多。多須含欽。
婆羅說於衆生。當受苦報。今以苦行。拔髮熏鼻。龕
衣代之。謂後受涅槃樂也。五迦羅鳩陀。迦旃延。說
於諸法。亦有亦無。六尼犍陀若提子。所說皆由業
定。無可改無逃避處。準今經所說。則有三人。皆執
斷見。故匿王引旃延毘舍離而問。後如來舉末伽而

斥然則第一第四第六必執常見乎

天台曰。經家叙當機心念失心妄認。領前破妄心
無體也。今日開悟。領前顯真見有在也。失却本心
合前捨父逃逝。忽遇慈母。喻今始覺還家。父母雖
分二體。本覺豈有二殊。若不。分而分。則父喻本覺
權理。母喻本覺實理。維摩所謂實智菩薩母。方便
以爲父也。所以更母爲喻者。謂一向雖則多聞。未
得無漏。如失乳等。今爲顯不生滅性。斯受真法之
乳。故喻之如此。然又願聞顯出身心真妄等者。良
由真性雖一。而德量難思。如來所示義既未了。即
阿難所悟。理亦未精。蓋人之身心。有真焉。妄焉。虛
焉。實焉。生滅與不生滅焉。相即之言談之雖易。相
即之理。悟之實難。故願如來一一顯出。如披沙若
盡。則金體自純也。寂音謂如來此中示阿難真見
破二種無明。文有九段。初四段。敍動靜。敍斷常。敍
倒正。敍彼此。令破根本無明。喻如生盲。神醫以金

鉗刮去其膜。發其光明。次五段。叙大小。叙前後。叙堅執。叙成壞。令破現行無明。喻如夜行。導師執炬。破其疑闇。觀證無惑。此等見解。非區五義學所能到。第根本現行之說。未易分別存而用也。余嘗以十義。以節其文。與其大類。但龐細。稍殊耳。已存諸科。欲辨大同故茲重出。

〔二〕演說二初開至二初明肉身從壞

○佛告大王。汝身現在。今復問汝。汝此肉身爲同金剛。常住不朽。爲復變壞。世尊。我今此身。終從變滅。

二明未滅無知

佛言大王。汝未曾滅。云何知滅。世尊。我此無常。變壞之身。雖未曾滅。我觀現前。念念遷謝。新新不住。如火

成灰漸漸消殞。殞亡不息。決知此身當從滅盡。

長水曰。佛舉此問。欲顯生滅中。有不生滅。如前頭自搖動。見無所動。吳興曰。前示阿難。見無搖動。後示匿王。性無生滅。一往似同。義須甄別。何則。阿難以身境爲動。此相猶僉。謂見性不動。且據目前對揚而說。今佛問匿王。肉身變壞乃至。答云。刹那剎

那不得停住。其相甚微。泊談見性。自童至耄不遷。不變。由是而知。所破生滅。則麤細有殊。所顯見性。則遠近成異。聖人引物入如來藏。其致漸深。讀者詳此。

三明盛衰兩異

○佛言。如是大王汝今生齡已從衰老。顏貌何如童子之時。世尊我昔孩孺膚腠潤澤。年至長成。血氣充

滿而今頹齡。迫於衰耄。形色枯悴。精神昏昧。髮白面皺。逮將不久。如何見比充盛之時。

孤山曰。佛問兩時。答出三時。謂孩孺長成衰耄也。孩纔成體也。孺需人以養者。皮表曰膚。文理曰腠。耄昏忘也。然八十曰耄。時匿王方六十二。蓋通言昏忘耳。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

撰述

校讎商通錄卷二

四明變化密移

○佛言大王汝之形容應不頽朽。王言世尊變化密

移我誠不覺寒暑遷流漸至於此何以故我年二十

雖號年少顏貌已老初十歲時三十之年又衰二十

於今六十又過于二觀五十時宛然強壯世尊我見

密移雖此殂落其間流易且限十年若復令我微細

思惟其變寧惟一紀二紀實爲年變豈惟年變亦兼

月化何直月化兼又日遷沉思諦觀剎那剎那念念

之間不得停住故知我身終從變滅

孤山曰殂落猶遷謝也尚書以殂落爲死非今經

義溫陵曰且限十年以寬數龕觀也自促細觀實

念念不停矣

二明性無生滅三劫佛問真性

○佛告大王汝見變化遷改不停悟知汝滅亦於滅

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

釋迦開示錄卷二

三全者不知

時汝知身中。有不滅耶。○波斯匿王合掌白佛。我實

三如來開示二初垂許

不知。○佛言我今示汝不生滅性。○大王汝年幾時

見恒河水。王言我生三歲。慈母携我謁耆婆天經過

此流爾時卽知是恒河水。佛言大王如汝所說二十
之時衰於十歲乃至六十日月歲時念念遷變則汝

三歲見此河時至年十三其水云何。王言如三歲時

宛然無異乃至于今年六十二亦無有異。佛言汝今

自傷髮白面皺其面必定皺於童年則汝今時觀此

恒河與昔童時觀河之見有童耄不。王言不也世尊

溫陵曰耆婆此云長壽天神携子謁之求長壽也

孤山曰旣知見境不易可喻真性無遷大聖動樹

訓風舉扇類月故令先識見無童耄然後直示性

撰述

楊廣園遺跡卷二

廿

無生滅也。泐潭曰。無異之語甚好思量。一徃龐浮。
再思有旨。

二結真種。斥疑二初不真性無變。

○佛言大王。汝面雖皺而此見精性未曾皺。皺者爲變。不皺非變。變者受滅。彼不變者。元無生滅。云何於中受汝生死。○而猶引彼末伽黎等都言此身歿後全滅。○王聞是言。信知身後捨生趣生。與諸大衆踊

二領悟

二斥引邪致疑

躍歡喜得未曾有。

溫陵曰。末伽黎卽迦旃昆羅之徒。旣無生死。卽汝真常。不應惑彼斷滅異論也。孤山曰。見精卽見性。

也。皺者爲變。則顯生歿無常。不皺非變。則顯涅槃常住。生歿涅槃。雖分兩派。克論體性。豈有二殊。言偏意圓。變卽非變。若然者。豈但破匿王引外之見。

60 1 2 3 4 5 6 7 8 9 70 1 2 3 4 5 6 7 8 9

80 1 2 3 4 5 6 7 8 9 80 1 2 3 4 5 6 7 8 9

抑亦醉阿難二發之請也。長水曰：叙其淺悟，但云捨生趣生詳，彼深意必知滅元不滅隨宜領解。未

卽顯言也。

天台曰：如來爲匿王顯見性，客塵主空之義。以恒河無異爲客，肇公所謂江河競注而不流也。以身中貿遷爲塵，宣泥所謂予與圓也。交臂而非故也。然觀其用心，最爲深細。如曰：沉思諦觀，剎那剎那念念之間，不得停住。可謂善悟乎？無常者也。如來則爲卽身心虛妄生滅，顯出真實不生滅性。以酬匿王之顯問，阿難之密請，第言不頃彰厥序有三始，則寄以恒河之水。次則進以觀河見精，又次則影以見精之性。如曰：此見精性，未曾破。雖有三說，

而正意在性。匿王顯領麤者，故但云捨生趣生。論其密悟，必得其精。欲同如來與當機引物入如來藏，未卽顯言也。第變卽非變，性相相卽之義亦難言也。往古諸師畏其性相乖角，遽欲於此卽之，故立論紛紛。不知如來引物其進有序。先直顯性，而後卽相。蓋性本也。相末也。已悟性本，胡患乎末。如經云：變者受滅，彼不變者元無生滅。世相如是，厥旨顯然。故此中文義且就下凡直顯性本。至下文云：見與見緣。并所想相。如虛空花，本無所有。此見及緣元是菩提妙淨明體，方是明其性相相卽。是亦明其相本無相。故曰如虛空花，本無所有。惟其無相而性相斯卽。故曰此見及緣元是菩提妙淨明體。相如空花，雖變滅而元無變滅。性如晴空，好眼雖花翳而本無花翳，情虛理實。

風靜波恬，性相兼美。於是乎在。

撰述

釋題

卷一

見聞必不生滅云何世尊名我等輩遺失真性顛倒

行事願興慈悲洗我塵垢

天台曰此科則以色心諸緣及心所使諸所緣法乃至昏擾擾相爲客塵實明妙性取喻如百千澄清大海者爲主空認悟中迷則以主作客所謂迷中倍人也

溫陵曰因王問答反動疑塵以謂性有生滅可說

遺失旣無生滅云何能遺

二正爲開示三初示倒正決近疑以明遺失二初現相驗其倒正二初垂手明以正爲倒

○卽時如來垂金色臂輪手下指示阿難言汝今見

我母陀羅手爲正爲倒阿難言世間衆生以此爲倒

而我不知誰正誰倒

溫陵曰此明諸佛衆生同一體性固無遺失特依

倒見言遺失也如臂順垂爲正反以爲倒逆豎爲

倒反以爲正是失真也母陀羅云印手卽三十二

相之一

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

二顯手明以倒爲正

○佛告阿難。若世間人。以此爲倒。卽世間人。將何爲正。阿難言。如來豎臂兜羅綿手。上指於空。則名爲正。

二指相斥其頗倒。二劫指相斥其以正爲倒。

○佛卽豎臂告阿難言。若此顛倒首尾相換。諸世間人。一倍瞻視。○則知汝身與諸如來清淨法身比類。

發明如來之身。名正徧知。汝等之身。號性顛倒。

補註曰。首尾相換。謂其錯認。正倒如以首爲尾。以

尾爲首。諸世間人。一皆如此。倒見也。倍與背同。卽倒義也。瞻視。卽見也。佛初以手問阿難正倒。而阿難皆推。世人之見。以爲之答。佛乃就阿難之意而告之曰。諸世間人。旣皆倒見。故以正爲倒。以倒爲正矣。今阿難之見。豈同世間人哉。必能以正爲正。以倒爲倒。如此則當知汝身佛身。比類發明。如來

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

之身。名正徧知。汝等之身。號性顛倒矣。長水曰。正徧知者。離倒名正。窮盡法界名徧。凡夫二乘。無此

名號者。性顛倒故。

天台曰。溫陵以垂手爲正。豎手爲倒者是。正脈反是者非。蓋人身雖受質於地。稟氣於天。而陰中有陽。陽中有陰。故質猶法天象而下垂。髮毛手足。五臟六腑莫非其事。此以垂而順身者正。豎而逆身者倒明矣。然而首本居上。而尾本在下。今阿難以吾爲倒。以豎爲正。豈不與世間人一倍以首作尾。以尾作首。而瞻視乎如來。既引喻示倒正畢。然後又以如來身。阿難身比類發明。正徧知與性顛倒歷然可辨。豈非本無遺失。因汝顛倒。而謂之遺失。

乎。此因譬喻明白。而合法易明者如此。而正脈疏。不明手順天象。下垂爲正。乃費許多工夫。氣力。所謂無一定異說多途。是以合法亦費許多言說。三示顛倒所在。遠釋性心。失真三秘。徵其倒處。

○隨汝諦觀汝身佛身。稱顛倒者。名字何處。號爲顛

二不知所在

倒。○于時阿難與諸大衆。瞪瞞瞻佛。目睛不瞬。不知身心顛倒所在。

補註曰。既知汝等之身號性顛倒。且此顛倒所在。何從而得邪。意斥阿難認悟中迷。卽是顛倒所在。

撰述

標題通鑑二

三

時衆未達於是嘵然

三與慈廣示二初興慈過告

○佛興慈悲哀愍阿難及諸大衆發海潮音偏告同

會○諸善男子我常說言色心諸緣及心所使諸所

緣法唯心所現○汝身汝心皆是妙明真精妙心中

二責其迷妄

二示義

所現物○云何汝等遺失本妙圓妙明心寶明妙性

認悟中迷

溫陵曰色總舉五根六塵也心總舉六識八識也
諸緣卽根識所緣諸法也心所使卽善惡業行靜
作思想諸所緣法廣舉山河大地明暗色空真妄
性相邪正因果悉無自體唯心所現如鏡中像全
體是鏡然則汝今幻妄身心皆是妙明心鏡所現
全體是心直不卽幻妄而悟妙體反乃遺本妙而

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

執幻妄是認悟中之迷。此卽顛倒所在也。妙心則一。而稱謂多異者。依法隨用之異也。此明心所現物如鏡故稱妙明真精也。又明迷本逐末故稱本妙明心。所謂本妙者。本來自妙。不假修爲也。心之與性。乃體用互稱也。心則從妙起明圓融照了。如鏡之光。故曰。圓妙明心。性則卽明而妙。凝然湛寂。

如鏡之體故曰寶明妙性

三原始終發明倒正之所由三初約述示其始終

○晦昧爲空。空晦暗中。結暗爲色。色雜妄想。想相爲身。聚緣內搖趣外奔逸。昏擾擾相以爲心性。一迷爲心。決定惑爲色身之内。○不知色身外洎山河虛空。

大地。咸是妙明真心中物。譬如澄清百千大海棄之。唯認一浮沤體。目爲全潮窮盡瀛渤。○汝等卽是迷。

三丘失結成顛倒

撰述

卷之二

中倍人。如我垂手等無差別。如來說爲門憐愍者。
 孤山曰晦昧爲空者。迷性明故而成無明。由此無
 明變成頑空。卽下經云。迷妄有虛空也。空晦暗中。
 結暗爲色者。所變頑空與能變無明二法和合變
 起四大爲山河依報外色。卽想澄成國土也。以四
 大色雜妄想心變起衆生。正報內色故曰色雜妄

想想相爲身。想謂妄心。想謂妄色。色心和合。五陰
 倘矣。卽知覺乃衆生也。祖陵曰。正原迷倒之由也。
 聚緣內搖等者。妄有緣氣於中積聚。內則隨想搖
 蕩外則逐境奔逸。此特雜妄緣塵。昏擾之相。而人
 以爲自心體性。得非迷哉。旣一迷此。則決定以心
 爲在幻質之内。曾不知妙明真心。範圍天地。包含

萬象乃認之於蕞爾身中。何異棄彼無邊刹海。認一浮沤以爲全潮之體。溟渤之量哉。補註曰。全潮者徧海而涌也。背真逐妄。如棄海認沤。執妄爲真。如認沤爲海。旣棄海認沤。早是迷矣。復認沤爲海。又一迷也。是謂迷中倍人。其迷如此。則與以正爲倒。以倒爲正者。無以異也。故引垂手之事結之。

天台曰。前斥失云。以動爲身。以動爲境。從始洎終。念念生滅。遺失真性。顛倒行事。性心失眞。認物爲已。輪迴是中。自取流轉。其義固非易。其說亦至長。非如來莫能原其始。而要其終。以明生滅不生滅之所以。故阿難因王問答。以動疑塵。真如來有以決之。初舉臂明倒正。此先決近疑。以明遺失。是則性本無倒正。而倒正在人。如來悟之。以稱正。以之示匿王者。是也。衆生迷之。以名倒。以之斥阿難者。是也。遺失真性。不在茲乎。次隨汝諦觀去。明顛倒之因。釋性心失眞。認物爲已之所以。蓋衆生始也。迷已爲物。終也。認物爲已。曷爲物。色心諸緣。及心所使。諸所緣法。前所謂以之爲身。以之爲境者。是也。曷爲已。本妙圓妙明心。實明妙性。下所謂色身外泊山河。虛空大地。咸是妙明真心者。是也。是知迷之則全已爲物。悟之則全物爲已。全物爲已。是迷中悟。全已爲物。是悟中迷。此卽顛倒所在。本無流轉。而自取流轉。不在茲乎。然物虛也。已實也。故學道者。貴達乎物虛。能達乎物虛。已之實性得矣。

撰述

校讎

卷

迹此而往。迷虛也。而悟實也。玄而同之。昔本無迷。今亦無悟。迷悟兩忘。斯可以言道。晦昧爲空去。此原始要終。明倒正之由也。晦昧迷之始。擾擾相迷之終。晦昧昏也。擾擾動也。始但云昏。不云動者。若下富那問章。明依報生起之所由云。覺明空昧。相待成搖。則昏動具明。以彼讀此。但影略爾。是則衆生生死顛倒無他。一以昏動爲之本。卽悟之始。終亦無他。一以明靜止觀爲之本。蓋明靜體也。昏動止觀用也。衆生無始。強覺忽生。緣靜以爲昏。因明以爲動。下文云。因明立所。既妄立。生汝妄能。是也。旣因之以爲倒。須因之以爲起。昏則照。照之而明生矣。動則寂之。寂之而靜復矣。方其迷而昏動也。決定惑爲色身之内。旣不勝其小。及其悟而明靜也。色身山河虛空大地。咸是妙明真心。中物又不勝其大。觀過以知功。則一經肯歸。莫大於止觀。故如來于此。揭而示之。使學者有以自得也。又決定或爲色身之内。是迷法身。昏相是迷般若。擾相。是迷解脫。如來于此經。揭三法以示之。藥病

相對宛然可見。阿難

首請三止。其有由矣。

景

見釋空無還遷

勸示慚心可還。是蒙非主二初陳。萌二初感。泣領旨

○阿難承佛悲救深誨。垂泣叉手。而白佛言。我雖承

悟佛現說法音。現以綠心。允所瞻仰。徒獲此心。未敢

認爲本元心地。願佛哀愍。宣示圓音。拔我疑根。歸無

上道

五文那

尼父家語卷之二

七

二種共集

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

天台曰。此科則以緣心。凡所瞻仰爲塵。以入種可還者爲客。以妙淨見性不可還者爲主空。此亦一往約麤細分之。若現文。則以緣塵爲客。如曰譬如有客。投寄旅亭等云云。然觀佛意。正欲借可還者。以顯不還。以喻代喻。初無定謂也。

溫陵曰。因聞法音。悟妙明心。本來圓滿了無遺失。故曰常住心地。然情猶鹵莽。見未精明。尚以能聞緣心爲所悟本性。此固常情疑混。根於心而難拔者。故願佛與拔之。吳興曰。前破妄心。已責因聲分

別之性。今阿難重以緣心爲問者。欲顯真性無能所之相也。既於緣心已離麤執。是故但言未敢認爲本元心地。豈同前云。若此發明。不是心者我乃無心。同諸土木邪。所以下文指月喻等。略簡所緣之法。能緣之心真體可見矣。

天台曰。如是妙音者。近且指顯見性已來。能詮之法也。向雖聞常住真心。實未知爲何物。今蒙開示。始悟妙明心。元所圓滿者。爲常住心地也。

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

所傳圖書跋文

二演說三初斥迷正示三初法

二喻

○佛告阿難。汝等尚以緣心聽法。此法亦緣。非得法性。○如人以手指月示人。彼人因指當應看月。若復觀指以爲月體。此人豈惟亡失月輪。亦亡其指。何以故。以所標指爲明月故。豈惟亡指。亦復不識明之與暗。何以故。卽以指體爲月明性。明暗二性無所了故。

○汝亦如是
三合

真際曰。以能緣心緣佛法音。認爲自性。非自性也。以此法音。但是所緣聲教故。孤山曰。人喻如來。手指喻聲教。月喻真理。示人喻化衆生也。教詮真理。是衆生之心。聞教自合觀心。離指方能識月。吳興曰。此指月喻。雖遣所標之指。正尙能緣之心。以阿難云。現以緣心。允所瞻仰故。由是經文。惟破分。

別之性。良有以也。

天台曰。此簡緣心。以顯見性。無能所也。蓋如來上文所說。心性廣大。約理以示也。今當機所問。現以緣心。凡所瞻仰者。約情爲執也。理固宜無能所。柰迷情何。如來爲簡迷情。令其直入悟理。所謂聞教觀心。離指得月。能緣之心。若忘。所悟之性。自顯。前文已被分別。此復重簡者。前述理以執情。今知理而理必忘情。求爲簡去。以入忘緣之觀爾。

二約性縱奪二初縱三初法

○若以分別我說法音爲汝心者。此心自應離分別音。有分別性。○譬如有人寄宿旅亭。暫止便去。終不

二除

常住。而掌亭人都無所去。名爲亭主。○此亦如是。若

二奪一初空其離塵無性

真汝心。則無所去。○云何離聲無分別性。斯則豈惟。

二奪其悟屬邪

聲分別心。分別我客離諸色相。無分別性。○如是乃至。分別都無非色非空。拘舍離等昧爲冥諦。

宗

溫陵曰。斯則下躡阿難之意廣明也。聲分別心。指聲上緣心。卽悟佛法音者也。分別我客。謂色上緣

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

心。卽凡所瞻仰者也。蓋言非但聲分別心。離聲無性。色分別心。離色相外亦無其性。如是乃至等。卽兼舉六塵緣影。皆無自性也。一切皆無故非色。對緣妄有故非空。旣非色空。冥然莫辯。於是外道昧爲冥諦。拘舍離卽末伽黎異稱也。

天台曰。前云諸修行人。不成無上菩提。乃至別成聲聞緣覺。天魔外道。皆由不知二種根本。錯亂修習。至破妄心。無體竟乃結過云。皆由執此生妄。

想誤爲真實。不成聖果。結此夫與二乘過也。今云拘舍離等昧爲冥諦。
三責成可還
結天魔外道過也。

○離諸法緣。無分別性。則汝心性。各有所還。云何爲

主

溫陵曰。此結前起後也。

二示見性。無還是主。非客二初承。責答請。

○阿難言。若我心性。各有所還。則如來說妙明元心。

支那

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

90 1 2 3 4 5 6 7 8 9

吳興曰。此問心性。云何無還向下別指見精爲不

還者。蓋前文已說。如是見性是心非眼故。然其見

精真妄猶雜。所以廣約緣塵簡出真性。披沙若盡

金體自純

二示以無還三初開示許說

○佛告阿難。且汝見我見精明元此見雖非妙。精明心如第二月。非是月影。汝應諦聽。今當示汝無所還

地

孤山曰。見精明元卽同匿王觀河之見。雖異緣塵而猶是妄。妄依真起。故曰明元。此見雖非下。簡妄異真也。如第二月。非是月影者。真月喻妙精明心。第二月喻見精明元。水中影。喻緣塵分別。吳興曰。阿難所問妙明元心。云何無還而佛以見精爲答。

者以真心無朕發悟良難。故託見精方便開示。此雖屬妄切近於真。如第二月取譬非遠。應知此見亦是前來緣塵之見。但緣塵分別之性。則破云有還緣塵能見之性。則示云不還。如下文云。汝今徧觀此會聖衆。其目周視。但如鏡中。無別分析。此卽見精也。卽第二月也。卽能見之性。不還者也。又云

汝識於中次第標指。此是文殊等。此卽緣塵分別者也。補註曰。第二月固非真月。然因捏目而成其實一體。非若水月之端有二相。例見精明元。雖非妙精明心。而此見元。自妙心而出。故岳師所謂切近於真。取譬非遠者此也。

○阿難。此大講堂洞開東方。日輪升天。則有明曜。中

二正辨境見二初明境可還二初示入境二初顯境

撰述

標題通鑑卷二

三

卷二

夜黑月雲霧晦暝則復昏暗戶牖之隙則復見通牆宇之間則復觀壅分別之處則復見緣頑虛之中徧是空性鬱堵之象則紓昏塵澄霽欵氣又觀清淨真際曰欲示無還之性先指可還之相此八但是舉要而已吳興曰此八緣中七緣皆就能映色根論之惟分別緣則於七境而起分別是故經文列

在中間蓋通上下也補註曰岳師前云緣塵分別之性則破云有還者義見乎此

二明還

○阿難汝咸看此諸變化相吾今各還本所因處云何本因阿難此諸變化明還日輪何以故無日不明明因屬日是故還黑暗還黑月通還戶牖壅還牆宇緣還分別頑虛還空鬱堵還塵清明還霽○則諸世

二明該攝

601234567897012345678980123456789

撰述

二明見無還三初標

間一切所有不出斯類○汝見八種見精明性當欲

二釋

誰還○何以故若還於明則不明時無復見暗雖明

暗等種種差別見無差別○諸可還者自然非汝不

三指心責迷

汝還者非汝而誰○則知汝心本妙明淨汝自迷悶

喪本受輪於生死中常被漂溺是故如來名可憐愍

吳興曰見性不還猶喻二月此見屬妄將亦須還

惟有真月所喻真性不還耳下文云但一月真

中間自無是月非月又云見見之時見非是見豈

非此見亦可還乎問此還何所答還無明也由無

明故而有能見無明若破此見卽還起信論云若

離業識則無見相厥旨顯然

天台曰吳興引起信證見性屬妄將亦須還此說似是而非蓋見雖可還性不可還性苟可還烏足稱性不知此中前後所明見性正如來直指苦提

撰述

標題

涅槃元清淨體之所在。所謂識精元明也。識精無地。遍寓六根。見精闡精等。皆其傳。今能於是而反見乎性。卽稱元明。苟於是而起乎分別。卽稱諸緣。卽前文云。能生諸緣。所遺者。或曰。下文云。我雖識此見性無還云。何得知是我真性。以此而言。此中見性須還。下顯真見方稱無還。此說何如。非也。以見性之義。非一語可了。阿難託此。以盡如來了義之談。爾且無還所辨見性。與下周遍所辨之見。一乎異乎。既同一見性清淨所曠。無容作兩樣解說。下結責云。則知汝心本妙明淨。又云。性汝不真。取我求實。以彼視此。愈見盲歸。然則吳興當云。見精當還可也。云見性可還。則不可也。

見性主空廣大周備義二初義

○阿難言我雖識此見性無還。云何得知是我真性
天台曰。此科以萬境不齊者爲客。以聖凡見量差別者爲塵。以見性廣大圓滿。雖差別而不妨乎無差。雖無差而不妨乎差別者爲主空。

吳興曰。此問意者。如云雖識二月。何謂真月。

二答釋三初示分最明無差而差義

○佛告阿難。吾今問汝。今汝未得無漏清淨。承佛神力。見於初禪得無障礙而阿那律。見闇浮提。如觀掌中。菴摩羅果。諸菩薩等。見百千界。十方如來。窮盡微塵。清淨國土。無所不矚。衆生洞視。不過分寸。

孤山曰。那律見三千大千世界。如觀掌果。此云闇

撰述

釋量度規範卷二

三

浮且從近示耳。吳興曰。菴摩羅云。難分別其果似桃。非桃似柰。非柰故溫陵曰。此泛叙見用而有五。一聲聞。二羅漢。三菩薩。四如來。五衆生。意明四聖六凡。見量雖異。見性不殊。皆可卽諸物象。而決擇之也。長水曰。不過分寸者隔紙膜。不見外物。隔皮膚。不見五臟也。

天台曰。環師明見用云。一聲聞。二羅漢不知聲。聞卽羅漢也。應云。一須陀洹。二羅漢。方無所失。

二示廣大明差而無差義。二初明物境差別。二初聊指前塵。

○阿難且吾與汝觀四天王所住宮殿中間徧覽水陸空行。雖有畧明種種形像。無非前塵。分別留礙。○二歷塵爾二初總約。

汝應於此。分別自他。今吾將汝擇於見中。誰是我體

二歷爾

誰爲物象。○阿難極汝見源。從日月宮是物。非汝至

七金山周徧諦觀。雖種種光。亦物非汝。漸漸更觀。雲

騰鳥飛。風動塵起。樹木山川草芥。人畜咸物。非汝。

溫陵曰。極汝見源。令窮力諦觀也。上極日月。下極輪圍。中極萬物。令一一詳擇也。

三類。見性無殊。

○阿難是諸近遠諸有物性。雖復差殊。同汝見精清淨所矚。則諸物類自有差別。見性無殊。此精妙明誠汝見性。

吳興曰。阿難所疑。雖識見性。而未知真性。如來所

答。豈不顯真。但由見性似在於內。真性必周於外。佛欲示之。故指一切物象。皆是見精所矚。瞻旣斯徧。性何攸局。此寄見性之徧。以顯真性之徧也。然則肉眼所見。物象森羅。佛眼所觀。真空冥寂。猶恐下文破之。

阿難認此見性。既周外物。仍謂外物同我。能見。故

天台曰。前無差而差。約聖凡見量說。今差而無差。約萬物不齊。辯聖凡雖異。真性無異。物類雖殊。見性不殊。皆可卽量而觀依物而悟古德云。萬境雖殊。妙心理等。此之謂也。

六宗

崔圭遺物獨立義炳約機應對辨二初隨情俗同人計見卽物三移機情

二詳同 三示同

○若見是物○則汝亦可見吾之見○若同見者名

二示正法以人同已參見非物三移機遺物獨立處

爲見吾○吾不見時。何不見吾不見之處

真際曰。若汝認見爲物。吾見亦同是物。汝應可見溫陵曰。同見者依物之迹也。不見者離物之體也。

若謂吾汝同見一物。是見吾之見。特迹而已。吾當離物。不見之時。其體何在。旣無處可見。定非是物矣。

天台曰。此釋當機之伏疑也。恐阿難見性不精。以主作客。故先標情云。若見是物。汝主是客。則吾主亦同是客。故曰。則汝亦可見吾之見。若依物之迹。主客相對而同見。可曰見吾。設吾不見時。乃離物之體無實之主。不依物。不依根。堂堂獨立。汝於何地而見吾哉。故曰。吾不見時。何不見吾不見之處。此假則以物爲客。以見爲塵。揀去客塵。則主空之理。顯

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

二破非吾不見相

○若見不見自然非彼不見之相

溫陵曰。縱使妄意謂能見吾不見者。終自非是彼不見相補註曰彼不見之相本自無相。豈汝所能見哉

三示同吾不見地

○若不見吾不見之地。自然非物。云何非汝

長水曰。此之文意展轉結歸。應有五重經文存三

而隱二意若具論者。合云若不見吾不見之地亦不見吾見處。既不見吾見處。吾見自然非物。吾見若非是物。汝見亦非是物。汝見既非是物。云何非

汝真見

栢庭云。至哉吾不見處。正是如來遺物忘我獨立之地。使阿難知之亦則到此獨立境界。安有真性而不悟哉。故曰自然非物不必更加二重。加則贅矣。天台曰。始來有王語。一隨自意語。說自證境界。吾不見時是也。二隨他意語。說衆生境界。前文所示見精是也。三隨自他意語。說自他共有境界。何

撰述

標題

卷之三

不見吾不見之處是也。吾不見時已直指真見。何不見吾不見之處。此又如來親手提携阿難同入如來藏也。自意識無自這覺界二約物我結過。

○又則汝今見物之時。汝既見物。物亦見汝體性紛雜則汝與我并諸世間不成安立。

溫陵曰。又約物我雜亂辨見非物也。若見是物。則物應有見而有情無情體性錯亂。不可分辨。故曰

不成安立。則見非是物。又可明也。諸世間謂衆生

及器通指有情無情也

三結當機真性

○阿難若汝見時。是汝非我。見性周徧。非汝而誰。云何自疑汝之真性。性汝不真。取我求實。

真際曰。見性雖同。各自受用。一室千燈。光豈有別。而彼此自照。各不相離。溫陵曰。牒上以顯真性也。見性周徧。卽汝真性。何疑不真。而求質於我耶。此

結答云何得知是我真性之間也。孤山曰。性汝不
真等。謂真性在汝而自不能知其真。翻取我言以
求其實。迷之甚也。責之深也。

釋王空無舒卷義二分疑問

○阿難白佛言世尊若此見性必我非餘我與如來
觀四天王勝藏寶殿居日月宮此見周圓徧娑婆國
退歸精舍祇見伽藍清心戶堂但瞻簷廡世尊此見

如是其體本來周徧一界今在室中惟滿一室爲復
此見縮大爲小爲當墻宇夾令斷絕我今不知斯義
所在願垂弘慈爲我敷演天台目北科以墻界方圓大小爲客以有舒
有縮爲廣狹無大無小無舒無縮爲王空

孤山曰。旣觀初天則惟見一四天下言娑婆者舉
其通名耳。非指大千也。補註曰。前文泛叙見用意
顯真性。本來周徧特聖凡見量之不齊耳。今阿難

撰述

標題

卷三

以所視廣狹。而疑見體舒縮。故有斯問。

二本釋二初正破二初總破

○佛告阿難。一切世間大小內外諸所事業。各屬前

塵。不應說言見有舒縮。○譬如方器中見方空。吾復

問汝。此方器中所見方空爲復定方爲不定方。若定

方者別安圓器。空不應圓。若不定者在方器中應無

方空。汝言不知。斯義所在。義性如是。云何爲在。阿難

若復欲令丈無方圓。但除器方。空體無方。不應說言
更除虛空。方相所在。

溫陵曰。一切世間則根身器界之類。大小內外則

一界一室之類。諸所事業則舒縮夾絕之類。此總

舉萬法。皆屬前塵與吾靈覺自不相涉。是故前塵

大小見無舒縮譬喻如下。器喻前塵空喻見體也。孤

山曰方圓因器不在虛空大小由塵荷關見性。是故責言云何爲在。空性無動寧有出入。因器去留強云出入故云若復欲令人無方圓等空體無方喻見性無二也。以虛空無方圓可除況見性無大小可還惟言方者義攝於圓佛語之略耳。溫陵曰離塵觀性自得本真不勞功用。

二反難二初以換難續

二以續難斷

○若如汝問入室之時縮見令小仰觀日時汝豈拘見齊於日面○若築牆宇能夾見斷穿爲小竇寧無續迹是義不然

溫陵曰既非可挽定非可縮既非可續定非可斷義既不然無用情計

○一切衆生從無始來迷已爲物失於本心爲物所

二會通二初迷有前塵

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

轉故於是中觀大觀小○若能轉物則同如來身心圓明不動道場於一毛端徧能含受十方國土

補註曰前云認物爲已今云迷已爲物前乃就妄擇真且言物與已異故斥自身皆謂之物今將以真融妄應知萬物皆已萬物皆已而迷以爲物故失本心爲物所轉而見内外之殊大小之異也吳

興曰爲物所轉則物爲能轉心爲所轉以心逐境遷故若能下心爲能轉物爲所轉以境隨智亡故楞伽云未達境惟心起種種分別達境惟心已分別卽不生上二句爲物所轉也下二句若能轉物也則同如來者肇師云會萬物以成已者其惟聖人乎毛含國土者此明無量爲一蓋攝事成理非

撰述

卷二

三

從體起用也。大品云。一切法趣一法斯之謂也。若

下文理事雙顯體用備陳方有一爲無量之言塵

中轉法之義彼詳此略意不徒然近古諸師並作

用解惟真際云既滅前塵形量不立一切卽一性

乃圓成斯亦節公之知言矣

天台曰上文委曲敷敘故假譬喻方便今則打破迷關直捷開示故云迷已爲物蓋曰吾所開示見性者已也非物也汝所難問世間大小事業者物

也非已也迷時全已爲物悟時全物爲已方其迷已爲物失於本心則爲物所轉故於是中觀大觀小觀大作大會觀小作小會非爲物所轉而何哉卽汝所難所問者是也若能悟物爲已得於本心是能轉物則同如來身心圓明不動道場於一毛端徧能含受十方國土蓋物雖有大小吾不以爲大小觀諸已而已矣能觀諸已則大小事物皆已卽已之小小小等乎法界卽已之大大非大大等乎塵毛於一毛端現寶王刹非轉物同佛之驗乎禪宗六祖云心迷法華轉心悟轉法華直約語言文字說也今經云爲物所轉故於是中觀大觀小若能轉物卽同如來則盡大地是一部楞嚴經山河國土草芥人畜莫非無相文字心悟轉楞嚴是能真轉法輪者也

現在我前見必我真我今身心復是何物而今身心分別有實彼見無別分辨我身若實我心令我今見

見性實我而身非我何殊如來先所難言物能見我

惟垂大慈開發未悟

天台曰此科以見性非色空爲客卽色空爲塵離卽離非爲主空

孤山曰向云迷已爲物失於本心故爲物轉若能

轉物則同如來是則所見山河皆我妙性故云今

此妙性現在我前此領旨也見必我真下阿難尚

存能所謂所見既是真性則我能見復是何物若

謂身無見性而今分別非虛若言現前是見則彼

之外物別無心智反辨我身若彼外物實是我心

現今能見則成外物是我內身非我溫陵曰物能

見我謂見在物而不在身是物能見我矣

撰述

大般若經卷之二

二卷釋二初所破二途三初如來破執二初牒疑總非

二立理別

○佛告阿難。今汝所言見在汝前是義非實。○若實

彼二初約離絕是見。二初推前境反問二初總叙

二別

汝前汝實見者。則此見精既有方所非無指示。○且

推二初指前境

今與汝坐祇陀林徧觀林渠及與殿堂上至日月。前對恒河汝今於我師子座前舉手指陳是種種相陰者是林。明者是日。礙者是壁。通者是空。如是乃至草樹纖毫大小雖殊但可有形無不指著。○若必其見。

二今推尋三初令指

見精

二歷境逐破

現在汝前汝應以手確實指陳何者是見。○阿難當

知若空是見既已成見何者是空。若物是見既已成

三初令表示

見何者爲物。○汝可微細披剥萬象析出精明淨妙

二迷無是仰答二初仰答

見元。指陳示我。同彼諸物分明無惑。○阿難言我今

二初明前境惟物於此重閣講堂遠洎恒河上觀日月。舉手所指縱目

二明不能出見

所觀皆是物無是見者。○世尊如佛所說。況我有

漏初學聲聞乃至菩薩亦不能於萬物象前剖出精見離一切物別有自性○佛言如是如是

溫陵曰物無是見故雖大聖不能卽物剖辨意須離物矣長水曰如是如是者印其不能分出見性也

二約卽絕非見二初牒前答反問二初牒答

○佛復告阿難如汝所言無有精見離一切物別有

二反問

自性則汝所指是物之中無是見者○今復告汝汝與如來坐祇陀林更觀林苑乃至日月種種象殊必無見精受汝所指汝又發明此諸物中何者非見○

二述無非仰答二初牒答

阿難言我實徧見此祇陀林不知是中何者非見何以故若樹非見云何見樹若樹卽見復云何樹如是乃至若空非見云何見空若空卽見復云何空我又

釋述

二印成

思惟是萬象中。微細發明。無非見者。○佛言。如是如是。

溫陵曰。若樹非見。何能見樹。若卽是見樹。當名見云。何名樹。然前斷爲無是見者。旣不中理。故復思惟。無非見者。一義無定。佛皆許者。以色空等象。如虛空。華本無所有。不可定指也。故下文云。此諸物。

象與此見精元是菩提妙淨明體。云何於中有是
非是。

○於是大衆非無學者。聞佛此言。茫然不知。是義終

始。一時惶悚。失其所守。

天台曰。經家特言。非無學者。無學之人。已證偏真。則色空已盡。豈於是而執乎是其所不及者。此見及緣。兀是苦提妙淨明體。嗣大乘小乘漸頓偏圓。於是乎分

○如來知其魂慮變憫。心生憐愍。安憇阿難及諸大

三世尊安僧

衆諸善男子。無上法王是真實語。如所如說。不詐不妄。非末伽黎四種不妙。矯亂論義。汝諦思惟。無忝哀慕。

真際曰。向執心境各別見。相歷然。今蒙一異推之。是非不決。心無所措。於是茫然。吳興曰。終始者終。則見性。非物。始則見性。是物。又始則妙性。現在我。

前終則究竟。指歸何所。溫陵曰。魂慮變憎。卽惶悚

夫守也。真語等者。謂上答二義。乃稱真之語。非矯

論也。末伽外道四種矯亂。見于第十卷。忝辱也。資

中曰。如來有五語。真語實語。如語。不詐語。不異語。

無僞曰真。稱理曰實。不變曰如。心境相應曰不詐。

懸見未然曰不異。補註曰。如所如說者。上如稱義。

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

校勘圖說卷二

下如卽真如。謂稱所證真如以說也。

二會通一理二初騰。一疑哀請二初述意敘儀。

○是時文殊師利法王子。愍諸四衆。在大衆中。卽從座起頂禮佛足。合掌恭敬。而白佛言。世尊。此諸大衆

不悟如來發明二種精見色空。是非是義。○世尊。若

此前緣色空等象。若是見者。應有所指。若非見者。應

無所矚。而今不知是義所歸。故有驚怖。非是疇昔善

根輕渺。惟願如來大慈發明。此諸物象。與此見精。元
是何物。於其中間。無是非是。

溫陵曰。佛意爲顯見與見緣。如虛空華於中本無
是非是義。然此非有學小智所及。故大衆茫然失
守。而必須文殊請明也。二種者。精明見元。及前緣
色空。是非二義也。若此前緣下牒。前因措之意。請

二騰堯讀說

撰述

校勘圖說卷二

三

四

明也

天台曰。無上菩提須爲深種善根者說。如其不然。鮮有不墮顛倒錯亂。生疑毀謗。若阿難之惶悚失守。又則不然。蓋爲如來所示其意甚深。尚非無學偏空境界。况阿難初果。有學能出此是非乎。文殊爲通其情。與如來有以決之。故其辭也如此。

二明一理會通二初心妙體絕待二初正明絕待

○佛告文殊。及諸大衆。十方如來。及大菩薩。於其自

住三摩地中。見與見緣。并所想相。如虛空華。本無所有。此見及緣。元是菩提妙淨明體。云何於中有是非

是

溫陵曰。自住三摩地節。自性首楞正定也。聖人住是定中。了見萬法。惟一圓融清淨寶覺。曾無非是。此正答所問也。見根也。見緣境也。所想相識也。根境識三。攝盡萬法。夫能了諸緣元一寶覺。無是非。是則從前真妄虛實。倒心緣影。疑異分別之情。豁

60 1 2 3 4 5 6 7 8 9 70 1 2 3 4 5 6 7 8 9

70 1 2 3 4 5 6 7 8 9 80 1 2 3 4 5 6 7 8 9

撰述

釋迦道場卷一

四

五

然而蕩矣

天台曰。此示阿難忘緣絕待妙觀之體也。以凡夫境界言之。有內身外境。正報依報。情與無情。一切境界能所歷然無怪乎。阿難云。若此見精必我妙性。今此妙性。現在我前等種種能所之疑難云。如來開示先且就凡情上。令阿難約見與物。辨其是非。初謂物即是見。既不可也。次謂物非是見。又不可也。惟是非兩者之間。如來皆回答之。而初無定謂。直待初學大眾。惶悚失守。文殊請決。然後告之。以自性首楞嚴定中所見境界。自真空言之。則見與見緣。并所想相。如虛空華本無所有。自妙有言之。則此見及緣元是菩提妙淨明體。又何有是非容於其間哉。故曰。云何於非是下文所謂但一月真中間。自無是月非月。學者果能依是而住。於一切法。直以空華而等視之。則菩提妙淨明體。卓然獨立。能所雙忘。與佛菩薩。相去豈河漢。

哉。前云。若能轉物。則同如來。功夫畢竟至此而已。圓覺云。知是空華。卽無輪轉。又曰。知幻即離。不作方便。離幻卽覺。亦無漸次。此之謂也。蓋幻之與覺。勢不並立。方其迷覺爲幻也。不知是幻。則惟幻無覺。及其知幻也。何幻之有。故惟覺無幻。自然而不加勉強。而後成菩提也。昔一老宿問僧。如何是是法住法位。世間相常住。僧曰。萬象之中。獨露自身。老宿又問曰。撥萬象。不撥萬象。僧曰。不撥。宿曰。依然兩個。此正所謂見精。是色空。雖出乎非猶。未免乎是。直須同如來。自住首楞嚴定中。境界然後是非兩脫。可以悟是法住法位。世間相常住之旨也。

引例釋成二。妙指人引例二。妙指人間。

無文殊

○文殊。吾今問汝。如汝文殊更有文殊。是文殊者。爲

撰述

標題

吳興曰。問意有三。如汝文殊一也。更有文殊是文殊者二也。爲無文殊三也。

三種意答

○如是世尊我真文殊無是文殊。何以故。若有是者。則二文殊然我今日非無文殊。於中實無是非二相。吳興曰。我真文殊。答第一義例立菩提妙淨明體也。無是文殊。答第二義例破色空是見也。何以故。

下釋成上義。然我今日非無文殊。答第三義例破色空非見也。於中實無是非二相。總結破意。夫真無是非是非由妄。若謂色空是真見者。斯乃從妄辨真。對於無妄之真。則成二義。故曰。若有是者。則二文殊。又若謂色空非真見者。其如妄境全體是真。故曰。然我今日非無文殊。實而言之。真性本來。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

無是非是

二說法釋成二初釋成前例

○佛言此見妙明與諸空塵亦復如是本是妙明無上菩提淨圓真心妄爲色空及與聞見○如第二月

誰爲是月又誰非月文殊但一月真中間自無是月

非月

吳興曰前第二月別喻見精明元今通喻色空及

與聞見者由佛爲阿難已約諸法徧示真性故大衆惶悚正迷諸法是非是義故文殊對揚旣無二相復舉月喻以遣妄情且第二月適言是月捏目所成故適言非月影不離真故皆言誰者責問之辭捏影若亡是非何在

二明迷悟得失

○是以汝今觀見與塵種種發明名爲妄想不能於

捲之三

校釋卷之三

中出是非是由是真精妙覺明性故能令汝出指非指

溫陵曰見與塵指妄根妄境也。觀見塵而發明終沉妄想不出是非。由真精而發明可出是非得無分別。出指非指言是非雙泯也。吳興曰物爲所指見非可指真性俱離故云出指非指

天台曰文殊前章爲衆請問云此諸大衆不悟如來發明二種精見色空是非是義故今結答云是
以汝今觀見與塵種種發明名爲妄想不能於中
出是非是又云世尊若此前緣色空等象若是見
者應有所指若非見者應無所觸故今結答
云由是真精妙覺明性故能令汝出指非指

○阿難白佛言世尊誠如法王所說覺緣徧十方界。

湛然常住性非生滅與先梵志婆毘迦羅所談冥諦

及投灰等諸外道種說有真我徧滿十方有何差別

天台曰此科以計自然爲客計因緣爲塵此約理內理外而分之也若約麤細言之則以計因緣者爲客計自然者爲塵以離一切相卽一切法者爲主空

撰述

標題題跋

卷三

吳興曰覺謂菩提緣卽色空聞見等。如前文云。此

見及緣元是菩提妙淨明體溫陵曰覺緣卽覺性

徧緣無乎不在者也。然黃髮之流亦說真我徧界

及所立冥諦謂真性冥寂體非生滅則與佛說何

異蓋外道不見性真但依賴耶妄計混濛真說故

此問難真佛甄別也。外道通稱梵志。投灰苦行外

道也

天台曰覺緣領菩提妙淨明體遍十方界領顯見性廣大湛然常住性非生滅領顯見性不動不遷阿難猶未忘緣故稱覺緣惟其未忘是以還挾外計爲疑
二蓮華經

○世尊亦曾於楞伽山爲大慧等敷演斯義。彼外道

等常說自然我說因緣非彼境界。我今觀此覺性自

然非生非滅遠離一切虛妄顛倒似非因緣○與彼

自然云何開示不入群邪。獲真實心妙覺明性

顯真

二請開示

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

真際曰楞伽山名此云不可往惟得通者能到溫
陵曰先引佛說起疑也楞伽會上爲大慧菩薩說
因緣義以破外道自然之執非彼境界者非同外
道所見也楞伽雖說因緣破彼妄執今觀覺性有
真自然體遠離倒妄則似非因緣矣吳興曰向云
我今觀此覺性自然今云與彼自然云何開示蓋

言今之自然似非昔之因緣則與外道自然云何
分別邪

二開示二教斥義總示

○佛告阿難我今如是開示方便真實告汝汝猶未

悟惑爲自然阿難若必自然自須甄明有自然體○
二歷境別破二初定

汝且觀此妙明見中以何爲自此見爲復以明爲自
以暗爲自以空爲自以塞爲自○阿難若明爲自應

不見暗。若復以空爲自體者。應不見塞。如是乃至諸
暗等。相以爲自者。則於明時見性斷滅。云何見明。

溫陵曰。釋非自然也。自然謂自體本然也。自體本
然則不隨境變。今皆隨變。非自然矣。

二明見性離因緣二初翻前轉計

○阿難言。必此妙見性非自然。我今發明是因緣生。
心猶未明。諮詢如來。是義云何。合因緣性。

孤山曰。始疑妙性。向外自然。旣聞逐破。則謂如佛
昔說正因緣義。但未知妙性云何。符合耳。

二層。初破執二初破因二初定

○佛言。汝言因緣吾復問汝。汝今因見見性現前。此

見爲復因明有見。因暗有見。因空有見。因塞有見。

云破

阿難若因明有應。不見暗。如因暗有應。不見明。如是

乃至。因空因塞同於明暗。○復次阿難。此見又復緣

二破緣二初定

二破

明有見緣暗有見緣空有見緣塞有見○阿難若緣空有應不見塞若緣塞有應不見空如是乃至緣明緣暗同於空塞

溫陵曰釋非因緣也假物爲因循物爲緣既無定趣非因緣矣真際曰因親緣疎故分二門

○當知如是精覺妙明非因非緣亦非自然非不自

然無非不非無是非是離一切相卽一切法

溫陵曰疊佛徧計直示精覺也因緣自然是非等

相皆是妄情徧計分別精覺妙明本無是事故曰

離一切相徧計既離則圓成實體觸處現前故曰

卽一切法祖師所謂但離妄緣卽如如佛又云是

非已去了是非裏薦取此離一切相卽一切法之

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

撰述

卷之三

意也。吳興曰：非因緣下不言，非不因緣者以此中正破因緣故，且置之。無非不非無是非者，此顯覺性本無非與不非，亦無是與非是。上句謂因緣下句謂自然，離則顯真，非俗卽乃觸境惟心。亡然存然不可得而名焉。

天台曰：夫法性之與萬法，猶形聲之有影響。世間凡夫與外道見道，不諦悉於影響，以事卜度，以僞溫真言，滿天下梗塞大道甚矣。若菩提妙淨明體

者，實含生本有天然之性德也。其於影響，頗耶？溫之固難深鑑，此失故挾如來昔日所說爲間。真爲破之，以歸正轍。然亦難言之也。何則？謂之自然，恐濫外道謂非自然。有妨正理，故卽破卽立。雙輪並驅，白亦非自然，非不自然，亦非自然。破也非不自然立也。此中正破自然，傍破因緣。故於自然而致意言之，以例因緣，亦應云：非因非緣，非不因緣。果真能見道，則是非俱遣。故又曰：無非不非無是非。是古德云：情可破，而法不可破；情可破，故離一切相。法不可破，故卽一切法所謂存然亡然不可得而名焉。斯

見乎道

四結書

○汝今云何於中措心以諸世間戲論名相而得分

別。如以手掌撮摩虛空，祇益自勞。虛空云何隨汝執

撰述

捉

溫陵曰結上文而責滯情也。精覺不可措心。如虛

空不可措手

是性空見見非見義四初引昔致疑

○阿難白佛言世尊必妙覺性非因非緣世尊云何

常與比丘宣說見性具四種緣所謂因空因明因心

二對理微破二初中昔

因眼是義云何○佛言阿難我說世間諸因緣相非

第一義

天台曰此科以明暗塞空爲客見精爲塵清淨實相爲主空辯析至此主無不圓而空無不極卽客塵之惑亦旣盡矣或問曰若此中主空客塵已盡則下三摩禪那所辯復是何物對曰此前則惟約見性一根而辯若三摩則廣約六入十二處十八界以辯雖約三科正意惟在根識而六塵如來藏其義猶跋至下禪那則廣約七大以辯如前五大則俗顯六塵本如來藏後二大則脩顯根識本如來藏若一一細論皆有王空客塵之義蓋客塵本喻見思而此見思有界內界外之殊是則三惑皆喻客塵界內見思爲真諦上客塵塵沙爲俗諦上客塵無明爲中諦上客塵皆爲奢摩他三摩禪那所觀所破但此中三諦是不次而次如云元是菩提妙淨明體其可以空理而斷之乎不動周圓妙真如性其可以幻有擬之乎祇如見精爲陀那微

細識卽是根本無明見見之時見非是見則已脫出無明。狂心若歇歇卽菩提不其是乎。

溫陵曰。緣生之法因空而有。因明而顯。因心而知。

因眼而見。是乃世間名相於第一義皆爲戲論。天台曰。惟識宗明眼識具九緣。一空。二明。三根。四境。五作意。六分別。七染淨。八根本。九種子。今明見性所依淨色根故。但言四緣。蓋於外合境爲空明。但言因空因明因根於內合五緣爲因心。於五緣中仍須除去作意分別。并種子。但取七識染淨。八識根本。以未起眼識故。不言種子及作意分別也。

○阿難。吾復問汝諸世間人。說我見云何名見云

何不見○阿難言。世人因於日月燈光見種種相。名

三對破二初正難

之爲見。若復無此三種光明。則不能見○阿難。若無明時。名不見者。應不見暗。若必見暗。此但無明。云何

無見○阿難。若在暗時。不見明故。名爲不見。今在明時。不見暗。相還名不見。如是二相俱名不見○若復二相自相陵奪。非汝見性於中暫無。如是則知。二俱

四結責

撰述

標題通鑑

名見云何不見

吳興曰。若必見暗等。與初卷盲人覩暗見性是同。所破有異。前顯見性是心。且破眼根能見。今顯見性非明。廣破因緣能見。破緣既廣。顯性實深。由是

下文談見見非見

三正示見見二初顯體非前塵

○是故阿難汝今當知見明之時見非是明見暗之

時見非是暗見空之時見非是空見塞之時見非是塞

補註曰。此明離緣之見。節見精也。向於八還文中。且指見精爲不還者。今於下文。則遺之矣。

○四義成就汝復應知。見見之時見非是見。見猶離

見。見不能及。云何復說。因緣自然及和合相。○汝等

四詞勘遠

接述

卷之二

聲聞狹劣無識。不能通達清淨實相。吾今誨汝當善
思惟。無得疲怠妙菩提路。

溫陵曰。四義成就等。結上起下也。吳興曰。準前文
云。見明之時。見非是明等。皆以能見。見於所見。能
非是所也。例今見見之時。義亦如是。卽以前之能
見復爲今之所見。蓋言真見。見於見精之時。真既

無妄故。曰見非是見也。問。見精屬妄。何以真見復
見於妄乎。答。夫見精者。映色之性也。見雖屬妄。其
性元真。當知見見之時。無別所見。只是見於見中
之性耳。燄若未見。性性在見中。同名見精。若能見
性。性脫於見。方名見見。補註曰。今圖簡便易曉。且
借見精作一眚字。配成四句云。見眚之時。見非是

眚。見猶離。眚不能及。上二句與後經覺所覺。眚
覺非眚中同義。下二句。義連云。何復說等文。蓋謂
真見尚離於見精。故見精有所不能及。何況因緣
自然和合等說。而能及之哉。汝等下責而勉之之
辭也。清淨實相卽真見也。又卽前之精覺妙明也。

前舉精覺妙明。旣已盡拂因緣自然之計。且以戲

論分別。如手摩空等語責之矣。而阿難滯情未解。
再引世尊常說因緣以爲問難。由是重拂因緣發
明真見。乃復責而勉之。可謂詳且明矣。然阿難終
於慧目未開覺心未淨。故又起後章之問也。

天台曰。此中文意幽遠。理致精微。關涉一經。大旨
今先約遠意示。次約近意釋。然後正明當文。兼指
後意。先遠意者。如來於首卷示以二種根本。一者
生滅根本。用攀緣心爲自性者。二者菩提涅槃元
清淨體。識精元明。能生諸緣。緣所遺者。是二法混
居於六根之中。惟見性洞然。使阿難易爲領略。故

始於是心非眼。至於見見非見。下就見性而辨故。自其性無動搖。童耄無遷等言之。示以菩提妙淨明體。卽清淨實相也。自其吾不見時。見見之時。言之。示以奢摩他路。亦名妙菩提路也。故見見之時一節工夫。有修性之分。蓋約其所見言之。清淨實相也。約其能見言之。妙菩提路也。何但此中。至於同別二種妄見。三科七大。或明假。或明中。或由之爲寂爲照。爲寂照。雙忘莫不辨。二種根本所在。一經樞機。莫要乎此。誠直指人心。見性成佛之要門也。次近意者。上文先示真空。則云見與見緣。并所想。相如虛空花。本無所有。次示妙有。則略去想相。但云此見及緣。元是菩提妙淨明體。蓋見與見緣元無過咎。其爲過者。在乎想相。是以經自初卷來。破能破所。重闡緣心。一爲想相。而拂想相。既無真體。可顯故知。想相正如翳眼。翳眼苟無往花自息。則見精元歸淨眼花處。元是晴空。故曰元是菩提妙淨明體。云何於中有是非。但此非易悟。悟亦難精。故阿難復假因緣爲辭。冀如來精切開示。如

來則先就其淺者爲辨。然後次第方便。示以甚深境界。初以見精爲能脫。明暗塞空爲所脫。次以見性爲能脫。見精爲所脫。如是重重脫去。而菩提妙淨明體。清淨實相。堂堂獨露矣。正明當文。兼指後意者。見見二字。古今諸師議論。不一。古師如吳興云。真見。見於見精之時。真旣無妄。故曰見非是見。今師如交光云。上一見字。卽見精中本體真見。下一見字。卽見精中所帶一分無明妄見。云云。余謂兩說皆鹵莽。知解文而已。若曰直詣恐不其然。須知下一見字。元是見精。雖是無明全妄。是真。下文所謂同是覺明。無漏妙心。和合妄生。和合妄成。是也。佛示阿難。見見者。亦下文所謂若能遠離諸和合緣也。蓋若不能見見。則爲和合無明。只名見精。若能見見。則遠離無明和合。則爲真見。要將昔日之見精。翻爲今日之真見。則下見字。的是真見。但取其性。不取其精。所謂清淨實相也。上見字。正是。但工夫。所謂妙菩提路也。是則上見字屬修。下見字屬性。此正如來醉奢摩他真諦。理境觀雙融。絕待。

撰述

標題

忘緣所在。而正脈懸解。謂此中但明性定。不涉乎修。不亦辨乎。又此一節影互三德而說。一法身。即清淨實相。下一見字是也。二般若。即妙菩提路。上一見字是也。三解脫。卽見非是見。見猶離見。見不能及是也。可謂般若之照深法。

身之體極。而解脫之源盡也。

釋

佛説明破妄顯真以酌三摩二初牒前說梵語

○阿難白佛言世尊。如佛世尊爲我等輩宣說因緣。

及與自然諸和合相與不和合心猶未開。而今更聞

見見非見重增迷悶。伏願弘慈施大慧日。開示我等。

覺心明淨。作是語已。悲淚頂禮。承受聖旨。○爾時世

二初約二種見安明真妄和合成生死固以釋見見令遠離和合及不和合二初約二見開示二初明誠許宣

尊憐愍阿難。及諸大衆。將欲敷演大陀羅尼諸三摩

提妙修行路。告阿難言汝雖強記。但益多聞於奢摩

他微密觀照。心猶未了。汝今諦聽吾當爲汝分別開

示。亦令將來諸有漏者獲苦提果。

孤山曰陀羅尼此云總持。卽慧性也。三摩提此云

正受。卽定性也。定慧均平。故云妙修行。是趣果之

60 1 2 3 4 5 6 7 8 9 70 1 2 3 4 5 6 7 8 9

70 1 2 3 4 5 6 7 8 9 80 1 2 3 4 5 6 7 8 9

撰述

標題

卷三

三

要故喻以道路奢摩他。三止也。微密觀照三觀也。

經家所叙則先慧而後定。如來所告則先定而後

慧。用顯圓融止觀體無二也。吳興曰。阿難所迷心

境轉細。如來所示觀照愈深故曰微密

天台曰。古師分經。如資中科自微心以來。齊下文及諸群塞亦復如是。廣破人執。自陰入處界等文去。廣破法執。孤山科前段別心見。此下總破諸法。其餘諸師莫不大同。余不其然。自此卷齊無得疲怠妙菩提路。答奢摩他寂靜義。自此以去。答三摩觀照義與諸師異者。有兩說焉。一以此經自首

卷至九卷。章章之內。莫不因阿難富那等隨扣而發。惟明五十重陰境。是如來無間自說。若依諸師分經。則汝猶未明去。是無問自說。一不可也。一以首章凡請三法。如來所說。雖不彰言。孰奢摩他孰三摩禪那。若依圓覺經三義分文。歷然有序。如此文初阿難請佛。重開慧目。而經家叙云。如來將欲敷演大陀羅尼諸三摩提。告阿難言於奢摩他微密觀照。心猶未了。旣曰三摩觀照。非答次義何哉。况下明七大文初而阿難請云。惟願如來爲說中道了義無戲論法。非請禪那中道何哉。若依諸師分經。聯翩混濁三法無序。二不可也。第經文綺互。兼帶前義而說。故有見見。非見。重增迷悶之間。而如來有此實見。見之答其實。二種分別。妄見進退。合明例闇浮提等。尚是覺明無漏妙心。見聞覺知虛妄病緣。和合妄生。虛妄病緣。和合妄死。與下陰入處界。因緣和合。虛妄有生因緣別離。虛妄名滅等。同一氣分。如來著一。汝猶未明之言。鉤鎖連環說去。正由乎此。但陀羅尼總持之法。與圓覺經有

撰述

大陀羅尼同而復異。蓋彼以圓覺爲奢摩他三法之總持。此以方便隨緣止遍歷萬法爲總持。故曰大陀羅尼諸三摩提妙修行路。而下文如來誨責阿難。乃云於奢摩他微密觀照心猶未了者。蓋欲示以卽定之慧。猶縷絡所謂從空出假也。所以前文奢摩他惟約一根而辨。非以捨博從約者爲奢摩乎。次明二種根本。以漸推廣歷三科而辨。非以約該傳爲三摩乎。次明七大各各清淨本然。周遍法界。隨衆生心應所知量。非以博約雙融爲禪。那平然陀羅尼。雖曰與圓覺異。彼以總爲總。此以別爲總。彌顯三法皆稱總持。蓋總能該別。則圓覺三義愈彰。別能該總。則圓通三法彌顯。

二推固正說二初示因由別名

○阿難。一切衆生輪迴世間。由二顛倒分別見妄。當

處發生當業輪轉。云何二見。一者衆生別業妄見。二

者衆生同分妄見。

溫陵曰。二倒見妄。卽同別二見也。由此見妄循造妄業。故云當處發生。隨業受報。人天諸趣。故云當業輪轉。補註曰。別業者。一人妄見也。同分者。多人妄見也。故後文先引別業。且喻阿難一人眼根之妄。次連同分廣喻。十方衆生。根身器界。同一妄耳。

撰述

校勘圖書卷二

天台曰。二種分別見妄惑也。當處發生。卽惑而發業也。當業輪轉。卽業而招苦果也。此言業惑苦三。如影隨形。略無差忒。

二約二見廣解。二初正明。二初別業。三初指人。

○云何名爲別業妄見。阿難。如世間人。目有赤眚。夜

見燈光。別有圓影。五色重疊。

孤山曰。目喻本具真智。燈喻本具真理。赤眚喻妄

心。圓影喻妄境。境謂五陰。故云五色重疊。

二正破二初破卽

○於意云何。此夜燈明所現圓光。爲是燈色。爲當見

色。阿難。此若燈色。則非眚人。何不同見。而此圓影。惟

眚之觀。若是見色。見已成色。則彼眚人。見圓影者。名爲何等。

補註曰。五色圓影。旣非燈色。又非見色。惟彼見者

目眚所成。喻五陰妄境。皆是衆生妄心所成也。惟

眚之觀。謂獨有眚者見之也。名爲何等。謂若是見

撰述

標題

色見已成色。則彼眚人見圓影者。不得名爲見矣。
色卽影也。

二破離

○復次阿難。若此圓影離燈別有。則合傍觀屏帳几筵。有圓影出離見。別有應非眼觸。云何眚人目見圓影。

溫陵曰。上卽燈見。旣無實體。此離燈見。又無定處。

足知其妄矣。

三結題三初結示

○是故當知。色實在燈見。病爲影。影見俱眚見。眚非

二例頭

病終不應言。是燈是見。於是中有非燈非見。○如弟

二月非體非影。何以故。第二之觀。捏所成故。諸有智

三點合

者。不應說言。此捏根元。是形非形。離見非見。○此亦如是自眚所成。今欲名誰。是燈是見。何況分別非燈

撰述

校齋集卷二

三

非見

補註曰。前分兩節。難破圓影。一卽燈見。二離燈見。至此牒結。以顯其妄也。第二月等。又復以喻明喻。重疊結顯。使知妄本無體。不應窮詰也。孤山曰。色實在燈。理體本真也。見病爲影。妄心成境也。影見俱眚。心境皆妄也。見眚非病。謂有智眚人。知因目來舉此。推破性執者。正欲引例阿難。目觀山河等。皆是妄見。義在下文。其昭昭矣。是形非形。離見非

眚。終不執言圓影實有。故雖有眚。不爲見病也。譬圓初心。無明雖在。而達無明。本自不有。則無妄境可得也。吳興曰。詳夫目眚見燈之喻。諸師並用法相配之。未必然也。今一徃且順圓師所解。應知如來舉此。推破性執者。正欲引例阿難。目觀山河等。

撰述

校勘上卷

卷二

見。上句雙是形與非形。下句雙離見與非見。文略

而互顯也。是燈是見。謂圓影由燈見而有。卽因緣義也。非燈非見。謂圓影離燈見而有。卽自然義也。

前文已破此重責之故曰今欲名誰等

天台曰。色實在燈。喻真理本具法性。五陰卽前見緣元是菩提妙淨明體也。見病爲影。喻生滅五陰由妄想建立。影見俱喻衆生見有內身外境。一皆無始妄病所成。卽前見與見緣并所想相。如虛空花本無所有也。見眚非病。喻見見之時。見非是見。如有智眚人。終無見病。卽前此見元是菩提妙

淨明體也。終不應言是燈是見。於是中有非燈非見。卽前云何於中。有是非是也。故知三處經文互相照映。解一千從無容迷悶矣。

二同分

○云何名爲同分妄見。阿難。此閻浮提除大海水。中

間平陸。有三千洲。正中大洲東西括量。大國凡有一

千三百。其餘小洲。在諸海中。其間或有三兩百國。或

一或二。至于三十四五十。阿難。若復此中。有一小

洲。祇有兩國。惟有一國人。同感惡緣。則彼小洲當土

衆生覩諸一切不祥境界或見二日或見兩月其中乃至暈適珮玦彗孛飛流負耳虹蜺種種惡相但此國見彼國衆生本所不見亦復不聞

溫陵曰不祥氣現惟災地見之乃同業妄感彼無災地不聞不見暈適珮玦日月之災象也彗孛飛流星辰之災象也負耳虹蜺陰陽之災象也惡氣

環日曰暈日食曰適所謂適見于日月之災也珮

玦謂妖氣近日如環珮之狀星芒徧指曰彗如彗

帚也芒氣四出曰孛孛孛然也絕迹而去曰飛光

迹相連曰流陰陽之氣或背日如負旁日如耳或

明而爲虹暗而爲蜺

天台曰寂音引春秋傳云魯哀公六年楚有雲如赤鳥夾日以飛三日楚子使問諸周太史周太史曰其當王身乎桂蕡注曰日爲人君妖氣守之故以爲王

60 1 2 3 4 5 6 7 8 9 70 1 2 3 4 5 6 7 8 9

撰述

身雲在楚上。惟楚見之。故禍不及他國。又魯昭公二十六年冬十一月齊有彗星。齊侯使禳之。晏子曰。無益也。取誣焉。天道不階。不貳其命。若之何禳。且天者。人有彗也。以除穢也。君無穢也。又何禳焉。若德。禳之何損。杜預注曰。出齊之分野也。不出魯。以魯不見。以是驗有一小洲。極有兩國。惟一國。同感惡緣。則彼小洲當土衆生。觀諸一切。不祥。界明矣。

二例合二初總標

○阿難。吾今爲汝以此二事。進退合明。

天台曰。經文先明別業妄見。次明同分妄見。然後許以二事進退合明。合明中有二。先單以別業妄見。例阿難一人妄見。次方進退合明。統例一切衆生妄見。乃以別例別。以同例同也。先單例中。發明見見非見道理。以酌前問。次統例中。結成自明見性來之所以。欲其遠離識精元明。真妄和合之相業妄見耶。

滅分別見妄。以成菩提涅槃元清淨體也。故下文云。二種同是無始見病所生。初別業妄見。雖曰如世間人。目有赤眚。乃比如非譬如也。直以赤眚人見圓影者。爲別業妄見。若作譬喻解說。何故世尊自稱爲別業妄見耶。

二例合二初指別二初示妄

○阿難。如彼衆生。別業妄見。矚燈光中。所現圓影。雖現似境終。彼見者。目眚所成。眚卽見勞。非色所造。

然見眚者。終無見咎。

二顯真

溫陵曰。圓影無實。則似境而已。乃見勞。目眚所成。

支那

釋名卷三

卷三

撰述

校讎傳道錄卷二

非燈色所造也

二例合二初正例合二初单合二初示惟妄無真

○例汝今日以目觀見山河國土及諸衆生皆是無始見病所成○見與見緣似現前境元我覺明見所

二釋簡

二顯全真起妄

緣眚○覺見卽眚本覺明心覺緣非眚覺所覺眚覺

非眚中此實見見云何復名覺聞知見

吳興曰無始見病如目眚也以法言之則阿煩耶

識能見相分以惑言之正屬無明補註曰以眼根及山河等境俱例圓影然則所指見病卽無明也無明卽覺明也上舉圓影無實乃目眚所成例今根境無實乃無始無明所成見與見緣下牒顯而詳釋也見卽根見緣卽境此根與境雖似現前實有而元非實有元我覺明見所緣眚之所成耳見

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

所緣三字釋成覺明也。此一見字卽能見分。謂此覺明能見其所緣者。卽眚也。覺見卽眚等。謂有覺有見。卽爲眚病。惟吾本覺明心。能覺諸緣者。非眚也。蓋本覺如好眼。覺明如眚病根境。如燈影耳。

○是故汝今見我及汝。并諸世間十類衆生。皆卽見眚。○彼見真精性。非眚者。故不名見。

二總結酬二初結序

二頭酬

補註曰。覺所覺下牒上覺緣。非眚之意。釋前見見。非見之疑也。所覺卽覺明等也。今吾覺其所覺是眚。而吾真覺非墮眚中。此實見見之時。見非是見也。真見如是。云何復以覺聞知見。眚中之事。而名之哉。是故下重明眚事。彼見下重結見。非是見也。

吳興曰。云何復名覺聞知見者。顯其離妄亦責其

撰述

卷之二

三

未悟也。然佛所說二種顛倒分別見妄者。由前阿難云。世尊爲我宣說因緣及與自然心。猶未開。是故廣示別業同分所見之相。皆是虛妄。此卽重破。

因緣自然一種之執也。又阿難云。而今更聞見見非見重增迷悶。故今再示覺非眚中。此實見見也。

閱此文者當曉大途。

天台曰。如來上文所示阿難見性雖託能見見精而辨其實的指見精之性。恐阿難未了。故于前文進深一步。復有見見之示。然則向所示見性。是心非眼。性無搖動性無童耄。若周徧若吾不見時等。一就見見而辨。以例聞聞喚喚。莫不皆然。阿難于此猶未能了。故一聞此說。重增迷悶。以謂方今正與決者。若無遷。若廣大。若清淨者。真見也。此領旨矣。且復如來更益之。以見見非見。此吾所未曉也。故願佛弘慈。施大慧目。有以見見庶幾開示覺心明淨。如來則示之以二種分別見妄。然後以二事進退合明。先退別例。同云。例汝今日以目觀見山河國土。及諸衆生。皆是無始見病所成。以此相例其義既明。然後正釋同分妄見。云見與見緣似現前境。此指衆生能見乎。所見者雖無似有。故曰似現前境。次證出病之根元云。元我覺明。見所緣。貴蓋言同分妄見之所有元。我無明生乎能見。見其所見。悉如別業妄見。因目眚而有五色重疊也。然則有覺有見。無非即眚。此指上文見精卽所見之。

標題

校勘記

見也。本覺明心。覺緣非眚者。此指上能見之見。卽是全本覺明心。起乎始覺全性。起修始本一合。能見乎所見。故曰覺緣。如有智眚人。不墮於眚中。故曰非眚。是則以能覺覺其所覺。是眚而吾能覺之。覺不墮眚中。故曰覺所覺。眚覺非眚中。見見之義其實如此。一味純真都非衆生。覺聞知見境界。故曰云何復名覺聞知見。若然者。凡有眚病者。可名見等。故曰是故汝今見我及汝。并諸世間十類衆生。皆卽見眚。非見眚者。無眚病者。豈可以覺聞知見名之。故曰彼見真精。性非眚者。故不名見。所釋見見。非見既已明白。然後進退合明。以一人例一國。以一國例大千。如經云云。蓋知別業之爲妄。而同分之妄。可以倒知。知同分之爲妄。而見精之爲妄。可以倒知。知見精之爲妄。

而見見者不妄。可以倒知。

○阿難。如彼衆生。同分妄見。例彼妄見。別業一人。一

以同分合一切二初以別業例同各類二初例一人別業

二例多人妄見

病目人。同彼一國。○彼見圓影。眚妄所生。此衆同分。

所現不祥。同見業中。瘴惡所起。俱是無始見妄所生。

溫陵曰。引別業例同分。引眚妄例瘴惡。以明妄業。

雖異妄本不殊。故曰俱是無始見妄所生。吳興曰。

上文云。吾今爲汝。以此二事。進退合義。見於此。

如彼衆生等。進同例別也。一病目人等。退別例同

也。問。何故作此例邪。答。由別業中引目告爲喻。顯妄則易。以因眚見影。人皆知虛故。同分中引癡惡爲喻。顯妄則難。以因癡觀相。事皆如實故。佛意欲

彰同分之妄。悉如別業之妄。故有進退合明之說。然自眚惡所喻之法要。顯阿難一人及闍浮提乃至十方衆生。妄見咸爾。又同業中癡惡之妄。猶

易可知。諸有漏國。及諸衆生。虛妄病緣。其實難信。

是故經文從狹至廣。以易例難。展轉相濟也。如此二以起妄。歸真合願。二初以起妄。正合

○例闍浮提三千洲中。兼四大海娑婆世界。并洎十

方諸有漏國。及諸衆生。同是覺明。無漏妙心。見聞覺知。虛妄病緣。和合妄生。和合妄死。

溫陵曰。上以一人例一國。此以一國例大千。合顯

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

器界根身無非見病。和合妄起也。覺明無漏妙心。

卽依真起妄者。吳興曰。真妄和合故有生滅。偏言

妄者真如在迷故。

二以歸真顯示

○若能遠離諸和合緣及不和合。則復滅除諸生滅。因圓滿菩提。不生滅性。清淨本心。本覺常住。

吳興曰。不和合者。有似自然。下文所破。其義頑異。

天台曰。學者看經。要得其綱領。取其精微。如雲長公提刀入百萬軍中。直取上將頭。若裨將散卒。雖日殺千萬。徒使刀鈍。何益其事。卽如此文。例閻浮提等。及諸衆生。同是覺明。無漏妙心。見聞覺知。虛妄病緣。和合妄生。和合妄死。一節而解者。曰覺明無漏妙心。卽依真起妄者。又曰真妄和合。故有生死。偏言妄者真如在迷故。如此解說。豈不依文穩貼。至下文。若能遠離諸和合緣。及不和合。則復滅除諸生滅。因等。便爾輕輕放過。都不究其大綱血脉。從何處發來。又何益乎。已躬下事。須知此結成上文。見見非見。極喫緊處。蓋前示二種根本。第二識精元明。能生諸緣者。卽今文覺明。無漏妙心。見聞覺知也。覺明。卽識精。無漏妙心。卽元明。此二法遍寄於見聞覺知之中。謂之虛妄病緣。雖曰虛妄。莫不依真而有。從妄而成。故曰和合妄生。和合妄死。此皆直就衆生日用見聞處。指出生滅。涅槃二種根本。言若能遠離諸和合緣。及不和合。則復滅諸生滅。因圓滿菩提。不生滅性等者。蓋若憑

撰述

校釋

此六根。見明見暗。見空見塞。以起緣塵分別。卽謂之和合妄生。和合妄死。若卽此六根。見見非見。聞非聞。是爲遠離諸和合緣。及不和合。則復滅除諸生死。因生死之因既滅。則菩提不生滅。性清淨。本心本覺。常住者。直下圓滿矣。下文云。使汝輪轉生死。菩提涅槃。同是六根。更非他物。非此之謂乎。

餘註真破二初責述

○阿難。汝雖先悟。本覺妙明。性非因緣。非自然性。而猶未明。如是覺元。非和合生。及不和合。

補註曰。阿難前云。因緣自然。諸和合相與不和合心。猶未開。如來乃就同別二見文中。重破因緣自

然二種之執意。謂阿難之心。必已悟矣。但和合等義。疑猶未明。故此下。因辯覺元。而重與明之。先悟者。已悟也。

二微破二初破和合疑二初牒疑

○阿難。吾今復以前塵問汝。汝今猶以一切世間妄

想和合。諸因緣性。而自疑惑。證菩提心。和合起者。○

二正破二初破和二初正破明和二初定

601234567897012345678980123456789

爲與塞和

吳興曰。菩提心者覺性也。上文云。而猶未明。如是覺元非和合生等。古人以佛果菩提解者謬矣。溫陵曰。則汝下意謂設有所和。卽涉妄塵而不名妙淨矣。

○若明和者。且汝觀明當明現前。何處雜見。見相可

二破四初相雜何緣

二卽離俱過

辯雜何形像。○若非見者云何見明。若卽見者云何

三名徧非和

見見。○必見圓滿。何處和明。若明圓滿。不合見和。○

四和失自性

見必異明。雜則失彼。性明名字。雜失明性。和明非義。二例破餘境

○彼暗與通及諸群塞。亦復如是。

資中曰。明屬前相。見屬內心。齊何處所。而論其雜。見之與相。目擊可分。明見相雜作何形像。溫陵曰。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

若非下謂明若非見不能見明此疑若相雜也。明若卽見誰爲能見又非雜矣。此章皆明浮塵幻相一無實體不容窮詰。必見下謂惟見與明體必圓滿不合相和。蓋和則閒雜不圓滿矣。見必異明下牒上結成非和也。孤山曰。性謂見性。見被明雜。豈得名見。明被見雜。豈得名明。和雜旣失明性兩名。

則知謂見和明不成義理故云和明非義。彼暗與通下知非與明和則餘皆非也。

二稿合二初定

○復次阿難。又汝今者妙淨見精爲與明合爲與暗

二稿二初正破明合二初正破

合爲與通合爲與塞合。○若明合者。至於暗時。明相已滅。此見卽不與諸暗合。云何見暗。○若見暗時。不與暗合。與明合者。應非見明。旣不見明。云何明合了。

二轉破

601234567897012345678980123456789

二例破餘境

明非暗○彼暗與通及諸群塞亦復如是

資中曰。上明和義如水和土。今明合義如蓋合雨。溫陵曰。和則雜而不辨。合則附而不離。合則不離。故明相滅時見亦隨滅。不復合暗。若不合暗而能見暗。則與明合時應非見明然。既不見明。云何言與明合。云何了明非暗邪。合義不成。則菩提心非。

和合起矣

二破非和合疑二初陳附

○阿難白佛言世尊。如我思惟。此妙覺元與諸緣塵及心念慮。非和合耶。

真際曰。若和合不成。卽非和合。形對必然故也。此計真妄三法了不相觸。吳興曰。中論破計不出四性。謂自他共無因也。初破自然。卽無因也。次破因

緣卽自他共也。如以明暗空塞推於因緣正約他性。又阿難所執空明心眼四種因緣。空明卽他心眼卽自。又佛說同別二種見境。見亦自也。境亦他也。旣有自他必含共性。但由共性難破是故更作和合而說。然則非和合義亦從自他開出爲防末習委曲搜揚耳。問此與前七處推心四性何別。答

七處四性都未涉真。但破第六識心分別較計。今

自然等皆依覺性破妄顯真。微密觀照於茲見矣

二破執二初牒執

正破二初破非和二初定

○佛言汝今又言覺非和合○吾復問汝此妙見精

非和合者爲非明和爲非暗和爲非通和爲非塞和

二破二初正破非明二初有畔指問

○若非明和則見與明必有邊畔。汝且諦觀何處是

明。何處是見。在見在明。自何爲畔○阿難若明際中。

二顯不和非畔

撰述

卷之二

必無見者。則不相及。自不知其明相所在。畔云何成。

二例破餘境

○彼暗與通及諸群塞。亦復如是。

溫陵曰。若非下。謂和則同而無畔。非和則異。故必有畔。且求畔不得。非非和矣。阿難下。謂相及乃有

畔。畔義不成。非非和矣。

二破二初破非明

○又妙見精。非和合者爲非明。合爲非暗。合爲非通

二破二初破非明

合爲非塞合。

二例破餘境

○若非明。合則見與明性相乖角。如耳

與明了不相觸。見且不知明相所在。云何甄明。合非

二例破餘境

合理。○彼暗與通及諸群塞。亦復如是。

吳興曰。非和約體不相入。故以際畔推之。非合約

性自差別。故以乖角破之。溫陵曰。以爲非合。則根

境乖背。旣不知明。亦不顯見。二體旣無從。何甄別

摸述

卷之三

三

合與非合之理邪。資中曰。自徵心辯見以來。齊此

廣破人執。此下陰八處界等文。破法執也。

天台曰。自然者。外道之邪計也。因緣者。如來用破自然之法藥也。和合者。分別世相之隨他意語也。此三種。皆世相中有悟出世間者。雖小乘人亦無之矣。况前文已示世相。悉如空花。直指當人。妙淨明體。宜其自然因緣和合。一齊割却。今復重拈和合。非和合爲破者。不過防轉計。以淨掃凡情耳。至下三科七大中。一一皆云。非因緣自然者。蓋云。以世相言之。實因緣和合而有生。因緣別離而有滅。殊不知。卽因緣非因緣故。一一約四性推。因緣之相。復慮因緣既破。又計自然故。兼及言之。蓋依世間正理。而有生實非自然。約世間之性推。又非因緣。故三科中。皆云虛妄本非因緣。非自然性。

○阿難。汝猶未明。一切浮塵諸幻化相。當處出生。隨

二廣示

處滅。盡幻妄稱相其性真爲妙覺明體。○如是乃至。

五陰六入。從十二處至十八界。因緣和合虛妄有生。

因緣別離。虛妄名滅。殊不能知。生滅去來。本如來藏。

常住妙明。不動周圓。妙真如性。性真常中。求於去來。

迷悟生滅。了無所得。

二科諸法。明直妄體。虛卽涅槃。果以答三摩令遺離。自然及與因緣。二初總示本真。二初略示。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

溫陵曰。明暗通塞合非合理皆所謂浮塵幻相。和合妄起。和合妄滅故當處出生。隨處滅盡。本無有生亦無和合。則幻妄稱相而已。幻無自性。依真而立。如華起空。全體卽空。如泡生水。全體卽水。故曰其性真。爲妙覺明體。近取諸身。遠取諸物。莫不皆然。故曰如是乃至等也。如來藏者。當人法身妙性。

也。依果而稱曰如來。含攝衆德曰藏。未嘗去來曰

常住。暗不能昏曰妙明。不隨生滅曰不動。無不徧足曰周圓。妙萬物而至神性。一切而不異。曰妙真。如性能見是性。則迷悟生滅了不可得矣。問真常之性。人人本具。旣無去來。生滅柰何。今之實有邪。答。不真常。則有真常。則不有。譬之空水。自病則華。

風擊則泡。豈其真常哉。若晴明澄湛。乃謂真常。於明湛中。靜求華泡。夫何所得。能審乎此。則不疑聖言。惟務了幻妄而復真常也。孤山曰。五陰等諸經皆列三科。謂陰處界以對愚根。樂各有三故。而今有四。更加六入。只是破十二處中內六處耳。隨機增減。何必定三。此並色心開合之殊。廣上浮塵諸

幻化相也

天台曰。浮塵卽陽。焰莊子所謂野馬塵埃是也。陽焰幻化。此舉十種深喻之二。以例諸法。悉如鏡像。水月空華。如夢乾城。有而不自有。不可見而見。以明如幻。三摩提觀照之肯當處出生。隨處滅盡者。此明陰入處界生滅之法。敵體相破。卽生滅而無生滅。楞伽所謂初生卽有滅。不爲愚者說是也。幻妄稱相。其性真爲妙覺。明體者蓋性相二法。如水火不同器。衆生妄相當情。真性則隱。諸佛一證性真。妄相隨滅。此約別教言之也。今經圓頓理又不然。相自無相。體若空花。惟一性真。更無他法。旣幻妄以稱相。其性真爲妙覺。明體誠矣。如是乃至五陰六入。從十二處至十八界者。上總明性相。此下確實指陳。以總例別。莫不因緣和合。虛妄而有生。因緣別離。虛妄而名滅。因緣有二。一如上文和合。妄生和合。妄死。此約真妄爲因緣也。一明諸法皆

撰述

從十二緣起故有生。十二緣息故有滅。此卽約妄法爲因緣也。衆生徒知因緣生滅之相。殊不能知卽生滅無生滅。卽去來無去來。本如來藏。常住妙明。不動周圓。妙真如性而已。觀相元妄。尚無可指陳。况觀性元真。性真常中。求於去來。迷悟生滅。豈可得乎。下文明陰入處界。令阿難以因緣等四性一一求之。是皆於性真常中。求不可得也。圓覺則曰。若諸菩薩。悟淨圓覺。以淨覺心。知覺心性。及以根塵。皆因幻化。卽起諸幻。以除幻者。變化諸幻而開幻衆。起幻除幻。此以幻觀破幻法也。變化諸幻以開幻衆。此明菩薩觀假自化及人也。然二種根本爲一經之樞機。例陰入處界。莫非識精元明之所在。能生諸緣。則爲生滅爲煩惱。變化諸幻而開幻衆。則爲菩提爲涅槃。以至七大。莫不皆爾。此又不可不知也。

別
破諸幻
四初破五陰幻三初破微

○阿難云何五陰本如來藏。妙真如性

長水曰。梵語塞犍陀。此云蘊。古翻爲陰蘊。謂積聚陰謂蓋覆。積聚有爲蓋覆真性

天台曰。法性五陰體本真常。不真常者。生滅去來。生滅爲之蔽。因緣自然爲之悞也。如來欲爲開迷而卽悟。先且破有以歸空。空花之相既無。瞪目之勞。自息悟。尚無得。何因立迷。是所謂性真常中。求於去來。迷悟生滅。了無所得。

故曰。本如來藏。妙真如性。

別
四五初破五陰幻三初破微

○阿難譬如有人。以清淨目觀晴明空。惟一晴虛迥

無所有。其人無故。不動目睛。瞪以發勞。則於虛空別

見狂華。復有一切。狂亂非相。色陰當知。亦復如是。

孤山曰。淨目。況本具真智。晴空。况本具真理。惟一

晴虛。卽理智一如也。迴無所有。絕九界妄色也。其

人。喻衆生也。背真合妄。故曰無故不動目睛妄心

取着也。瞪以發勞。妄感潤業也。於妙性中。現九界

色。故曰於空見狂華等。溫陵曰。狂華喻色陰。狂相

喻色境皆妄感也

天台曰。前文言見與見緣。并所想相。如虛空花。本無所有。來至今文。其義方顯。以別業妄見。日有赤眚。夜見。澄明五色重疊。既曰有眚。雖虛而實。今云以清明目。觀晴明空。迴無所有。其人無故。不動目精。瞪以發勞。則於虛空。別見狂華。是則目本無翳空。亦無華。不過一時勞目。妄有所見。而諸佛菩薩。正如以清明目。觀晴明空。惟一晴虛。迴無所有。方日如虛空。花本無所有者。特不過隨他意語。以示真空爾。而學佛道者。直當於一切法。以空花而等視之。庶不爲物所轉也。言以清明目。觀晴明空。惟一晴虛。迴無所有。卽下文性覺妙明。本覺明妙。孤山所謂理智一如。絕九界妄色也。其人無故者。卽下文山河大地。無狀忽生。演若達多。無狀狂走也。不動目睛。瞪以發勞者。妄爲明覺也。則於虛空別見狂華者。因明立所。所旣妄立。生汝妄能。無同異。

撰述

標題

卷

中熾然成異等也。言別見者。花因勞目而見。清明眼則無之矣。以喻衆生。則有諸。佛卽無。

二寄破執二初喻陰相舞星二初正示

云反破

○阿難是諸狂華。非從空來。非從目出。○如是阿難。

若空來者。既從空來。還從空入。若有出入。卽非虛空。空若非空。自不容其華相起滅。如阿難體不容阿難。若目出者。既從目出。還從目入。卽此華性。從目出故。當合有見。若有見者。去旣華空。旋合見眼。若無見者。

出旣翳空。旋當翳眼。又見華時。自應無翳。云何晴空。號清明眼。

溫陵曰。若有出入。則有實體。故非虛空。非空則實。故如阿難體更無所容。此辯狂華不因空生也。若華從目出。則得目之性。故因有見。今旋時旣不見眼。又不翳眼。非目出矣。又若華從目出。則華在空。

撰述

妙高圓通疏卷二

全

時自應無翳云何見華目尚有翳必見晴空無華

方號清明眼邪此辯狂華不因目出也

天台曰次破非從目出中先約二義定其所宗初二句定有出入後二句定花性有見次破中二節初約花性出入有見破故曰若有見者去既華空旋合見眼次約華性出入無見破有二約無見旋時翳眼破故曰若無見者出既翳空旋當翳眼二約無見正出無翳破故曰又見華時目應無翳言云何晴空號清明眼者承此而隨破也蓋無翳之眼清明眼也清明之眼合見清明之空今以見有花者反爲二結處離計清明眼且云何尋常必見晴空者方號清明眼耶

○是故當知色陰虛妄本非因緣非自然性

溫陵曰既了幻華無因當知色陰虛妄本非因緣自然卽如來藏妙真如性餘四例此資中曰若知華相卽空則顯色陰本如來藏

天台曰非因緣自然者不出四性文以目出爲自生空出爲他生^二法合生卽其生三性同是因緣生不屬因緣卽計自然是故文中只作二推已攝得四二天台法華三昧約四句推心爲因心故心卽推法性屬自生爲不因心故心卽推無明屬他生爲亦因心亦不因心故心卽推法性無明屬其他共生爲非因心非不因心故心卽推離法性無明自他屬無因而有生今文清明目卽喻法性晴明空卽喻無明晴空雖無狂華對目已成能所所

撰述

校定實錄卷二

謂元明照生所立照性忘瞪目之事。狂華之因。不由之而生乎。

二處陰三初立喻顯法

○阿難譬如下人手足宴安百骸調適忽如忘生性無違順其人無故以二手掌於空相摩於二手中妄生澀滑冷熱諸相受陰當知亦復如是

溫陵曰觸情於境納境於心曰受宴安調適性無違順。喻藏性本無諸受也。二手空摩妄生澀滑。喻

妄觸引起諸受也。忘生如圓覺所謂忽忘我身言調適之至也

二處喻破執二初小陰相二初正示

二反破

○阿難是諸幻觸不從空來不從掌出○如是阿難

若空來者既不能觸掌何不觸身不應虛空選擇來觸

若從掌出應非待合又掌出故合則掌知離則觸入

臂腕骨髓應亦覺知入時蹤迹必有覺心知出知入

撰述

卷之二

二結虛妄離計

自有一物身中往來。何待合知。要名爲觸。○是故當知受陰虛妄本非因緣非自然性。

溫陵曰。空體常徧。不應有擇。掌當自出。不應有待。又若從掌出。必有入。然合而出時。掌雖有知。離而入時。臂且不覺。既無定實全一虛妄耳。

天台曰。如來藏性。本無諸受。今有之者。乃無故發生。如觸之爲法。必託境生。徒有一身。自不成觸。今以二手。於空相磨於一體中。而妄生澀滑。豈有故

三想陰三初立喻顯法
哉。喻如來藏性。遍周法界。情境皆如。待對斯絕。求生自無始來。強覺忽生。妄生人我。根境斯分。於藏性中。幻受損益。如來欲明。不受而受。受而不受。以歸正受。故今卽喻而推。離情以檢。不從空來。不屬他生。明矣。不從掌出。不屬自生。明矣。離推既非合推。不可。旣非因緣。亦非自然。三摩觀照於焉得顯。

○阿難譬如有。人談說酢梅。口中水出。思踏懸崖足心酸澀。想陰當知。亦復如是。

溫陵曰。想無實相。由心成相。說梅思崖。無實相也。口水足酸。由心成相也。凡想如之。

60123456789

換通

校勘圖說卷二

二寄喻破執二初喻陰相無生二初正宗

二反破

○阿難如是醉說不從梅生非從口入○如是阿難若梅生者梅合自談何待人說若從口入自合口聞何須待耳若獨耳聞此水何不耳中而出想踏懸崖與說相類○是故當知想陰虛妄本非因緣非自然性

溫陵曰人談梅而口水梅不能談則計梅出者妄

也耳聞梅而心想口不能聞則計口入者妄也耳

聞梅而耳無水則計說計聞皆妄也補註曰談梅

口水者因聞他人說梅而吾口水出思崖足酸者

吾自思耳真際曰與說相類者應云如是思踏非

懸崖來非足心入若從崖來崖合自想何待人思

若從足入足合自思何待心想若獨心思何故足

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

心覺有酸澀

天台曰。夫五根六塵皆名色陰。根塵相觸而有受生落謝餘塵斯生乎。想此所從來故矣。今談說醉梅。想其酸而水出。思踏懸崖。想其危而足酸。想而後受。豈其故哉。惟無故而爲其想。故其想此空。今以口入爲自爲。因梅生爲他爲緣。展轉推窮了。不可得。因緣尚無。自然安在。雙非二邊。真常獨露。四行陰二初立。喻顯法。

○阿難譬如瀑流。波浪相續。前際後際。不相踰越。行陰當知。亦復如是。

溫陵曰。妙湛妄動。隨境轉徙。念念遷謝。新新不停。

故名行陰而譬瀑流也。以念念生滅後不至前。故曰不相踰越。

二寄喻破執二初喻陰相無生二初正示

二反破

○阿難如是流性。不因空生。不因水有。亦非水性。非

離空水。○如是阿難。若因空生。則諸十方無盡虛空成無盡流。世界自然俱受淪溺。若因水有。則此瀑流

性應非水。有所有相。今應現在。若卽水性。則澄清時

應非水體。若離空水。空非有外水外無流。○是故當知行陰虛妄本非因緣非自然性。

溫陵曰。牒釋流性。不因空水。非卽非離。以明行陰無實體也。有所有相。謂流應離水。別有體相也。空非有外水流其間。水外無流。流終依水。則非離空水矣。資中曰。若因水有下。謂若因其水。別有流动性。

因果性別。則濕流性不應是水。能有是水。所有是流。一相若殊。俱應現在。

天台曰。前之三陰。皆卽身而取象。其喻也。親今行陰。則取象乎空水。其喻似疎。曰。非疎也。展轉以廣當機之懷爾。蓋五根六塵。其該甚博。尚周法界。豈外空水。故後四陰。皆遍乎色。如爪生髮長。筋轉脉搖。密密推移。而曾無覺悟。果成花落。樹老藤枯。運遷謝。而無可見知。卽如濕流。亦無非行陰遷流之相。今以水及水性爲自爲因。以空爲他爲緣。二法合爲共爲緣生。以離空水爲無因爲自然。展轉推窮。以顯藏性。且以波喻妄。而以濕喻真。波水依空。隨空周遍。而不住空。此其中固有卽遷流。而在乎遷流者。

撰述

五識陰二初立喻顯法

般若正法記卷二

○阿難。譬如有人取頻伽餅塞其兩孔。溝中擎空千
里遠行。用餉他國。識陰當知。亦復如是。

構李曰。頻伽好聲鳥也。餅形象之。孤山曰。瓶喻妄
業。空喻妄識。業牽識走。如瓶擎空行。捨身受身。喻
以遠行。現陰如此國中。陰生陰悉如他國。

二寄喻破二初立初陰相無生二初正示二反破

○阿難。如是虛空。非彼方來。非此方入。○如是阿難。

若彼方來。則本瓶中既貯空去。於本瓶地應少虛空。
若此方入。開孔倒餅。應見空出。○是故當知識陰虛
妄本非因緣。非自然性。

二結虛妄離計

孤山曰。虛空非從彼方來。入此方。若餅盛空。從彼
入此。何故彼方不見空少。此方不見空出。溫陵曰。
性空真覺周徧法界。一迷爲識。故如餅中之空耳。

撰述

卷二

内外一空。喻性識一體。塞其兩孔。喻妄分同異也。空無來往。不可擎餉。喻性無生滅。亦無捨受。今言擎餉者。比迷性爲識。妄隨流轉之狀也。身心萬法。卽如來藏。妙真如性。道嫌揀擇理忘情謂。凡有言說。皆爲戲論。擬心動念。盡涉迷倒。大覺將與覺之。故此卷之初權。且明正倒辯。緣影擇見精。示真量。

一就其迷倒情計。爲之拂心眼之塵翳。洗肺腸之垢濁。使心境洒落。真妄兩忘。然後融會。入如來藏。

遂知根塵處界。法法無非妙真如性。此第二及第

三卷大旨也。

天台曰。十方虛空。喻圓成實性。煩伽餅塞其兩孔。喻依他起性。滿中擎空。千里遠行。用餉他國。喻徧計執性。夫性識真空。性空真識。清淨本然。周遍法界。自晦昧以爲頑空。復結暗以爲依色。妄想擣色。聚以爲身。性中相知。用中相背。何異取煩伽瓶。塞其兩孔乎。而人者。一迷爲心。決定惑爲色身之内。

撰述

校勘記卷二

何異溝中擊空。千里遠行。用餉他國乎。瓶有去來。
而空無出入。喻身有捨受。而識無生滅。可以了依
他妄。有偏計本空。惟是一識圓成實性。昔賢以麻
喻圓成。總喻依他。蛇喻偏計。此喻雖親。又不若空
喻貼體。若約因明論。明宗因喻者。則以識陰爲前
陳。有法以如來藏性爲宗。以非因緣自然爲因。以前
瓶空無往來出入爲喻。

四陰例有此義

大佛頂如來密因修證了義諸菩薩萬行首楞嚴經

卷第二

嘉興府楞嚴寺經坊餘資刻此

楞嚴經圓通疏卷二

順治五年孟冬般若堂識



60

1 2 3 4 5

6 7 8 9

70 1 2 3 4

5 6 7 8 9

80 1 2 3 4

5 6 7 8 9

80 1 2 3 4 5 6 7 8 9

十四

井